

庚申紀事
對錄



庚
申
紀
事

張
潑
撰

中
華
書
局

庚申紀事

叢書集成初編所選借
月山房彙鈔及澤古齋
重鈔皆收有此書借月
本在前故據以排印

庚申紀事

明 張 潑 撰

庚申七月既望庚寅諸臺省開內醫言神宗病不食且半月東宮未得省見走謁閣臣方從哲御史左光斗曰公何不率百官問安曰帝諱疾卽問安左右不敢傳給事楊漣曰昔文潞公問宋仁宗疾內侍不肯言潞公曰天子起居汝曹不令宰相知將無有他志下中書省行法公誠曰三問不必見亦不必帝知第令宮中人知有廷臣在耳公更當宿閣中曰無故事曰潞公不訶史志聰此何時尙問故事耶給事魏應嘉御史倪應春皆曰然壬辰會九卿臺省入思善門久之司禮監傳命且退甲午帝御榻整冠被衫召見閣部大臣稽首祝萬福吏部尙書周嘉謨以補大僚臺省請帝曰待朕小愈兵部尙書黃嘉善以邊事請帝倦不答諸臣遂出日旺光宗尙踰闕宮門外漣光斗使人語東宮伴讀者帝病力不召太子非帝意薄暮可還宮遲明力請入侍嘗藥視膳向後夜無輕出丙申神宗崩遺詔內閣同司禮監輔太子丁酉光宗視含殮畢以內帑百萬犒邊士卒戊戌以百萬犒九邊己亥撤摧稅中官盡罷天下商稅下諸奏如流給諫中有要閣臣會極門者曰大行皇帝久不覽奏以令旨行未見其便下者封還未下者屬司禮留中庶幾先帝正終新帝正始御史張潑曰諸奏皆朝臣宿昔之願如饑食渴飲留中兩言天下方顛恐而患之何得出自我輩且旨奉父命繼述大孝也何不可之有閣臣語司禮司禮曰官家閱章奏恆至夜分某等

何敢留。是時聞鄭貴妃曲謹事帝，能食其意。知李選侍房燕尤寵，爲請封后以結驢。選侍亦爲鄭請封太。后楊漣趨語禮部侍郎孫如游曰：「皇長子非李所愛，李若后嫡矣，他日將若何？」大行皇帝愛長孫，亟自輔臣於遺詔首舉冊立登極。後三日，卽援詔請耳。壬寅，召輔臣問軍事，銳意剿除，朕不惜費，計安封疆，卿獨相良苦。可令吏部更推六、七人。癸卯，發五千金充運餉餽費，無煩郵傳。丙午，光宗卽位，諸臣觀天顏和而莊，舉手加額相慶。閣臣密請下神宗所用史沈二相，帝命更舉。戊申，禮臣請立皇太子。己酉，開帝小不豫。庚戌，命諏吉建儲，給事范世濟、御史顧造等請兼用內外臣入閣，無專屬詞林，不報。辛亥，禮臣請三、六、九常朝從之。諭閣臣封鄭貴妃爲皇太后。閣臣以示禮臣孫如游，卽日請收回成命。壬子，帝欲疾愈，如期視朝。貴妃以崔文昇屬李選侍進藥，帝苦暴下，日夕數十，慙矣。癸丑，謫給事周朝瑞，以論金花銀宜還太倉助餉也。朝瑞疏侵中官，故崔文昇、李進忠、劉遜等摘疏中發帑不見恩語，激帝怒，將繫而杖之。瑞王安叩頭請，始薄謫云：「甲寅，帝不視朝。乙卯，有旨緩建儲期，朝衆愕然。丙辰，閣臣禮臣再請。丁巳，帝視朝，有悴容。戊午，旨封李選侍皇貴妃，召見閣臣。六部吏科河南道御史謂朕虛甚，欲常朝不能，所奏當行事，無不允。閣臣以建儲期請嘉謨以復周朝瑞官，請帝首肯。是日，欽天監擇九月九日立皇太子，報可。嘉謨疏復朝瑞官，不報。己未，司業李騰芳語楊漣戚畹郭家振、王天瑞言：「貴妃進文衣之腰若面人，又以其傅婢探刺微密，崔文昇藥故也，非誤也。皇長子每私泣，父皇體力健，何遽至此？」鄭李謀得照管皇長子，包藏禍心。漣曰：「宜率百官訟言於朝以折之。」庚申，議神宗謚，給事魏應嘉以恭請，未盡厥美，乃改謚漣，光斗會諸大臣

言鄭貴妃當移宮。故其夜復趣封鄭。辛酉上神宗臨畢嘉謨集勳成文武大臣詰數貴妃姪養性曰先朝不早定國本歸罪若姑乘至盛而不返衆譴未息若宣代若姑固辭封何久處乾清宮進寶玉美女萌非常之念規求無度侵欲無厭事發相重鄭氏無噍類矣養性掩然無聲若褫魄而退諸大臣同閣臣具疏乞揀愿謹內臣奉皇長子居慈慶宮帝一意靜攝而閣臣有謂宮中事非外臣得與聞漣抗言曰昔賢調和兩宮非耶皇長子無母上愼疾不遑暇舍閣臣執任又謂以移宮爲離間漣曰帝操心慮患爲日多矣識公等意必無疑鄭陪僕更相盼伺揣知衆心成城卽移慈寧宮去封后旨猶未還也壬戌召太醫院官同閣部吏科河南道人帝曰朕日食無一盂粥申旦不寐奈何諸臣不勝其恐矣癸亥給事李若珪疏選侍先聖母封非禮甲子諸臣再朝帝諭以目眩體弱而吏部推閣臣詞林五人外臣三人獨用何宗彥劉一燝韓爌三人乙丑漣疏極論崔文昇妄用藥罪醫家有餘者泄不足者補上日日萬幾兢兢在疚精神無不越渫而反投相伐之劑遂令聖躬轉劇復煽播黨與抗言上爲侍御疊惑不慎容止將以自蓋奸慝旣益上疾又損上名罪不容死懇檢問收攝解道路紛紛之口其封鄭貴妃一事尤乖典常尊以嫡母如大行皇后何尊以生母如本生皇太后何敕處別宮必先奏聞然後來朝上曠然包荒嘉與維新以嚴名分杜僭踰對天下之望丁卯特召見兵科及閣部大臣而宣錦衣官校衆以漣兵科爲之危或求閣臣爲解閣臣謂漣庭詰當引咎漣曰自分穴胸糜骨必對如初諸大臣入一燝爌稱名謝諭以爲朕盡心分憂注視久之因言朕舊年七月失調今年五月方痊卽位後罔敢暇豫病發寢尋體久不平詞意藹然今上

侍側目諸臣而手指之。渠事已妥。服事人俱有定。已召皇四子出見。禮臣自封選侍事。帝曰。是事朕有年。頗小心耳。方從哲請皇長子移宮期。帝曰。朕不忍離。科臣亦有言。嘉謨曰。皇長子時侍側。爲是宮。可無移。一燭請帝輔醫藥。厚自持。帝曰。藥無功。却十餘日不進。嘉謨曰。藥猶第二義。惟清心寡慾。則勿藥有喜。帝曰。宮中無他事。因目上哥兒說一說。上曰。宮中無他事。先生示外人無膽流言。蓋建前疏中所云。聖躬違和之由。因特召以詔諸臣耳。少選。逐文昇。并停后封矣。辛未。再召見。帝聲容如故。甲戌。召見。則云。朕疾似不可爲。目閣臣國家事。三卿盡心。目部院卿等與朕分憂。輔皇長子要緊。必輔爲堯舜之君。復目屬臺省者。再。又目上哥兒說一說。上曰。先生勞苦。聽父皇言。帝問壽宮事。意殊黯然。諸臣哽咽。莫能仰視。帷中小豎出。附上耳語。上搖首。而一朱衣婦從帝前挾上入。咕囁久之。上踉蹌出。厲聲曰。父皇要封皇后。諸臣以爲語急。孫如游曰。帝欲封李選侍爲皇貴妃。臣等卽具儀聞。帝漫應曰。爾復手指上輔。此爲要緊者。再閣臣從哲言。鴻臚丞李可灼有仙丹。可服。帝曰。果仙丹。進來。是日。三見。賜諸臣酒食金幣。君臣父子。情指繾綣。一燭語嘉謨曰。帝顧念大臣不已。若不欲委身婦寺者。邀福於天。爲萬年明天子。彼朱衣人何無忌憚。若是。各雪涕而出。九月朔乙亥。城頭鼓。統統五更。亟召諸臣比至。登假矣。大臣或議以上託選侍。漣奮曰。天子豈可託婦人。選侍無德於儲君。有怨於聖母。日者帝前強上入。復強出。豈相放哉。大行皇帝踐祚五日而病。病十五日而棘。不一月而崩。卽天命有數。乃其故談之令人憤不共戴天。李鄭連體。隔形棘心。姦宄輻輳。授太阿柄。養虎遺患。我輩無事新主之日。亟請見皇長子。見卽呼萬歲。導駕出宮。嘉謨曰。是已。閣

臣至亦憂上無託。漣曰：三公在，更問誰託？大行皇帝業已託孤，言猶在耳。棄之若何？一爆深然之。趨入乾清宮，閣人持梃不令入。漣攘臂大訴。皇帝召我等，今已晏駕，皇長子少，起居未知安否？汝曹不容諸臣入，意何爲者？閣人卻得入，慟哭已。請上出三四而後可。諸臣呼萬歲，上言不敢當者三。諸臣請六日登極，因封選侍。上不應，從哲言社稷爲重，登極不可緩。上曰：具儀以聞。因請出乾清宮。中官王安擁上一爆，奉左手。英國公張惟賢奉右手。諸臣前後導從及闕內豎大呼拉小主何往，主小懼人，有攬衣欲奪上入者。漣格而訶之。殿下我主，千官萬姓，四海九州皆臣子，復懼何人？刀鋸之餘，誰宜殿下回宮者？因至宮門西向坐。大臣各稽首請登輿。至文華殿，仍西向。諸臣拜殿內，奉入慈慶宮，謁孝端皇后。几筵一爆，奏乾清宮未掃除，殿下暫憩此。嘉謨奏曰：殿下之身，天地神人所託重，往乾清宮視大小殮與朝暮奠，必臣等至方啓行。上首肯，或有指中官某某可任者。漣曰：大行皇帝已選擇而使，若曹受兩朝恩，瞻察上飲食動定，譬蹕游微，其不恭命。國有常刑，又有議封選侍者。漣曰：范文正不欲仁宗從劉后命封楊太妃，選侍無楊撫養恩，封無謂也。又以登極當速，或初三日，或卽日者。漣與顧造、范世濟爲閣臣，言宮都昭泰內無嫡庶之嫌，父死之謂何？舍殮未畢而袞冕臨朝，非禮也。諸臣謂正位則事定而人心安。漣曰：安與不安，不在卽位早暮，值遺腹朝，委裘安自如耳。語次，光斗至，卽事幾之會，問不容髮。失今日期，脫未安，汝安辭死。漣色然而駭。已朝臣畢至，嘉謨再屬中官入奏。臣民願卽位，搖搖恐夕不至朝。上頷之。徐曰：日已晏，父皇未殮，宜諏日而漣屬錦衣賂思恭，簡諸緹騎周廬嚴警。張問達屬中官自乳媪外，無容少年女子入宮巡視。京營

給事李若珪增設禁門衛。陳利兵而誰何。漣因與光斗謁嘉謨。極言選侍不可與皇長子同宮。議合。丙子。賊旦哭臨畢。嘉謨與諸大臣公疏。光斗專疏請。而光斗疏有唐武氏語。李進忠等從與選侍。母子同宮。爲正。并言諸文書必我看方可發。連迫從慈慶宮內使。將以武氏語罪光斗。戊寅。李進忠等遇漣於麟趾門。曰。娘娘惱甚。漣疾言曰。娘娘爲誰。前在乾清宮。是皇長子。今在慈慶宮。是皇帝。雖鄭貴妃生死唯命。選侍何人。言何以出闕外。皇帝十六歲。非可玩弄股掌之上。乾清宮非彼所得住。不移。汝曹死無處所。衆語塞。而給事中惠世揚及張潑云。選侍欲臨朝稱制。及罪光斗事。共議公疏以爭。未果。及夜。李進忠逃矣。己卯。漣聞移宮在初九十三。亟語從哲趣之。從哲曰。移何必明日。漣曰。昨以皇長子就太子宮爲是。旣爲天子。天子避宮人理乎。雖聖母居坤寧。太后居慈寧。選侍何人。居天子宮。諸璫雜沓往來。或言選侍亦大行皇帝。顧命中人。漣斥之曰。諸臣受顧命。當先顧其子。寧先顧侍媵。庶民家婢。侍主人疾。主人死。子入正房。婢自應遷尊卑大小。無得混淆。汝曹如食李鄭家食。須殺我輩則已。一燬嘉謨。助漣言。聲色俱厲。漣復具疏云。選侍外託保護之名。陰懷專擅之實。旣奉旨移宮。假擇吉遲留。明日上登大寶。無偏處東宮理。夫皇祖與先帝伯叔兄弟。禮必稱臣。兩宮聖母。若在禮必稱皇帝。選侍非母。敢曰我貴妃。我哥兒。臣民嗟籲。天子居正宮。宮媵可悍然抗旨而據之乎。遷思回慮。恪遵天語。立入一號殿。守已安分。可無後患。鄭貴妃亦以保護先帝爲名。不離乾清。天啟聖聰。尋卽遣徒。而病體所由沉篤。中外痛心疾首。移宮事。臣等言在今日。陛下行在今日。閣部大臣贊決亦惟今日。無負先帝顧命。言甚剴至。疏未入。而李知不可奪。移一號殿。劉

遜、劉朝、姚進忠等以盜逮矣。其夜大雷雨，庚辰昧爽開霽，望氣者言：「日初出，有祥雲糾縵，云上天姿玉裕，音如金石，無不喜色相告也。」已，案進忠等如律，而進忠等匿選侍賁，行媚於內，施賂於外，飛語爲惡言，選侍雉經。皇八妹入井，冀復封選侍，則諸罪當萬坐者，可末減。御史賈繼春爲揭上，三閣臣不知移宮後，上緣先帝雅意，存問選侍不輟。及熾鸞宮火，賜勞有加，光斗疏請明示避宮原委，上因諭閣臣悉數選侍陵聖母諸狀，以先帝故加禮。以聖母故罷封，播告中外，而好事者猶不信，謂諭出諸璫手。繼春與給事朝瑞相駁，遂舉雉經入井爲實。漣於是疏始末之詳，更請於選侍酌加恩數，上優詔答曰：「覽奏極正極公，極切極真，甚愜朕意。宜宣布中外，以釋羣疑。漣當日竭力憤爭，忠直可嘉，所奏諭安加恩，朕知之矣。」

山中人曰：「傷哉庚申之秋也！未三月而歷三朝，牝雞之晨，家得無索，則二三君子是賴，亦宗廟神靈陰隲之耳。定陵御天下四十八年，本朝未有宿素衰落，新進談及萬曆初事，往往失真，雜以橫議漂說，他日修史將焉取衷？夫三月非遠，搢紳大夫在位耳而目之白著矣，而螻蛄之聲，遠山十里尙有之，何論萬曆初哉！」

